



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Veteran's affairs**

Broj: 06-11-7947/21

Datum: 16.03.2021. godine

Na osnovu čl. 8. stav (1), 18. stav (2) Zakona o javnim nabavkama BiH ("Službeni glasnik BiH", broj 39/14), člana 1. tačka (a) pod (2) Pravilnika sa popisom ugovornih organa koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), Pravilnika o postupku dodjele ugovora o uslugama iz Anex-a II dio B („Službeni glasnik BiH“, broj 66/16), Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, br. 27/19, 48/19 i 13/20), Odluke o utvrđivanju plana javnih nabavki za 2021. godinu broj: 06-11-3745/21 od 03.03.2021. godine, Plana javnih nabavki za 2021. godinu broj: 06-11-3745-1/21 od 04.03.2021. godine, čl. 15. stav (9), 27, 40 i 41. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), postupajući po prijedlogu sektora za boračko invalidsku zaštitu, Ministar za boračka pitanja Kantona Sarajevo d o n o s i

### **O D L U K U**

o pokretanju postupka nabavke usluga banjskog liječenja (medicinske rehabilitacije) za pripadnike boračke populacije Kantona Sarajevo za 2021. godinu  
**JRJN: 85000000-9 - Usluge u području zdravstva i socijalne zaštite**  
**Dodatni JRJN: 85140000-2 Razne zdravstvene usluge**

#### **Član 1.**

Odobrava se pokretanje postupka nabavke usluga banjskog liječenja (medicinske rehabilitacije) za pripadnike boračke populacije Kantona Sarajevo za 2021. godinu.

#### **Član 2.**

Nabavka usluga banjskog liječenja (medicinske rehabilitacije) za pripadnike boračke populacije Kantona Sarajevo za 2021. godinu će se izvršiti iz sredstava obezbjeđenih u Budžetu Ministarstva za boračka pitanja Kantona Sarajevo za 2021. godinu sa pozicije 614200 DAM025.  
Procijenjena vrijednost javne nabavke (bez PDV-a) iznosi **800.000,00 KM** (slovima: osamstotinhiljada KM).



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1



### Član 3.

Ministarstvo za boračka pitanja Kantona Sarajevo će na svojoj internet stranici [www.mbp.ks.gov.ba](http://www.mbp.ks.gov.ba) zajedno sa ovom Odlukom objaviti Javni poziv ponuđačima za dostavu ponuda.

### Član 4.

Nakon okončane procedure javne nabavke, sa izabranim ponuđačem/ima će se zaključivati sukcesivni ugovori za upućene grupe korisnika uz preciziranje termina boravka.

Korištenje usluga rehabilitacije po ovoj odluci će se provoditi do 31.12.2021. godine, a najduže do godinu dana od dana potpisivanja odluke o izboru najpovoljnijeg/ih ponuđača.

### Član 5.

Proceduru nabavke usluga banjškog liječenja (medicinske rehabilitacije) za pripadnike boračke populacije Kantona Sarajevo za 2021. godinu će provesti Komisija imenovana od strane ministra za boračka pitanja Kantona Sarajevo imenovana Odlukom broj: 06-11-7946/21 od 09.03.2021. godine.

### Član 6.

Za realizaciju ove Odluke zadužuje se sektor za boračko invalidsku zaštitu ministarstva, u saradnji sa sektorom za ekonomske poslove i projekte ministarstva.

### Član 7.

Ova Odluka stupa na snagu danom donošenja.

## O b r a z l o ž e n j e

U postupku po prijedlogu sektora za boračko invalidsku zaštitu Ministarstva za boračka pitanja Kantona Sarajevo za provođenjem postupka javne nabavke usluga banjškog liječenja (medicinske rehabilitacije) za pripadnike boračke populacije Kantona Sarajevo za 2021. godinu, utvrđeno je da je isti osnovan i da sadrži sve potrebne elemente.

Nabavka usluga banjškog liječenja (medicinske rehabilitacije) za pripadnike boračke populacije Kantona Sarajevo za 2021. godinu planirana je Planom javnih nabavki za 2021. godinu broj: 06-11-3745-1/21 od 04.03.2021. godine.

Usluge banjškog liječenja (medicinske rehabilitacije) za pripadnike boračke populacije Kantona Sarajevo za 2021. godinu se odnose na usluge iz Anex-a II dio B Zakona o javnim nabavkama BiH („Službeni glasnik BiH“, broj 39/14) i provešće se po procedurama propisanim Zakonom o javnim nabavkama BiH („Službeni glasnik BiH“, broj 39/14), Pravilnika o postupku dodjele ugovora o uslugama iz Anex-a II dio B („Službeni glasnik BiH“, broj 66/16), Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, br. 27/19, 48/19 i 13/20) i ostalim podzakonskim i internim aktima.

Nakon okončane procedure javne nabavke, sa izabranim ponuđačem/ima će se zaključivati sukcesivni ugovori za upućene grupe korisnika uz preciziranje termina boravka.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1



Odobranje banjskog liječenja za svakog korisnika pojedinačno će vršiti Ljekarska komisija po osnovu priložene medicinske dokumentacije.

Korištenje usluga rehabilitacije po ovoj odluci će se provoditi do 31.12.2021. godine, a najduže do godinu dana od dana potpisivanja odluke o izboru najpovoljnijeg/ih ponuđača.

Obzirom na trenutnu vanrednu situaciju uzrokovanu virusom Covid 19, nije moguće utvrditi tačan početak realizacije ove javne nabavke. Početak realizacije zavisiće prvenstveno od instrukcija datih od strane nadležnih organa.

U skladu sa članom 7. stav (3) Pravilnika o postupku dodjele ugovora o uslugama iz Anex-a II dio B, Ministarstvo za boračka pitanja Kantona Sarajevo će objaviti Javni poziv ponuđačima za dostavljanje ponuda na web stranici ministarstva [www.mbp.ks.gov.ba](http://www.mbp.ks.gov.ba) zajedno sa ovom Odlukom i isti će uputiti na najmanje tri adrese.

Pri donošenju ove Odluke, Ministar za boračka pitanja Kantona Sarajevo se posebno rukovodio činjenicom da je predložena nabavka planirana Planom javnih nabavki za 2021. godinu, da su obezbijedena sredstva za isplatu, te da je predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove Odluke.

 **MINISTAR**  
**Dr.sc Omer Osmanović**



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1

